

Annō M. D. XCVI.

Ianuarius.

Den ersten Januarius/ Anno 96. Stylo nouo, wirdt auß
 Gran geschrieben / wie das vor wenigen Monaten / als
 nemlich den 8. Octob. 3000. Welschen / vnd 5000.
 Deutschen / auch etliche Heyducken vnd Frenbeuter / sich bey dem
 Obersten zu Gran angeben haben / vnd begeret ihnen zu erlauben
 nach Ofen zu streiffen / welches sie erlanget / weil die Rundschaft
 ankommen / das die Türcken bald im anzug weren / Raab mit
 Prouiant zu entsetzen. Sind demnach die vnsern also im anzug /
 vnd in guter Ordnung zwischen S. Andrea vnd alten Ofen an-
 kommen / allda sie die Türcken in die 7000. starck / mit viel Wä-
 gen Prouiant vnd Munition antreffen / mit denselbigen schar-
 müzelt vnd im anfang auff beyden seiten ziemlich blieben / Doch
 haben die vnsern lezlich alle Türcken vmbbringet / vnd endtlich biß
 auff's Haupt erlegt.

Den Kabls
 schen prout-
 ant abge-
 schlagen.

Hernacher habens darauff etliche weiter gewagt / vnd der
 todten Türcken Kleyder angezogen / die Türcken Fahnen auffge-
 steckt / die Christen Fahnen aber vnter sich / als man der Christen
 gefangene Fahnen zutragen pflegt / gehalten / sind also schnell auff
 Ofen zugezogen / gleichsam als werē sie in der flucht gejagt. Ver-
 meynten also vnter dem schein / als ob sie gejagte vnd nachgeeylte
 Türcken weren / das Ofische Thor zu oberweltigen. Wie aber die
 in Ofen diser vermeynten Türcken gegen Abend gewar worden /
 seynd sie hauffen weiß an das Sicambrier Thor gelauffen / vnd
 auff Türkische Sprach ihnen vber die Mauren zugeruffen / vnd
 gefragt / was es für einen zustandt mit ihnen hette / das sie so eylend
 auff die Statt wider zu ruck kämen / da haben die vnsern nicht so
 gar recht auf Türkische art in der eyl antworten können / sind
 G derwegen